

Spurningar og svör vegna skipstjórnarskírteina á skemmtibáta

Þarf skipstjóri á skemmtibát nú sérstakt skírteini?

Já, síðan 1. janúar 2008 skv. lögum nr. [30/2007](#).

Hvaða bátar teljast skemmtibátar?

Með skemmtibátum er í lögum nr. [30/2007](#) átt við þau skip sem skrásett eru sem skemmtiskip samkvæmt lögum um skráningu skipa, nr. [115/1985](#), en bátar 6 metrar og lengri eru skráningarskyldir.

Hver gefur út skipstjórnarskírteini á skemmtibáta?

Samgöngustofa gefur út slík skírteini. [Umsóknareyðublöð](#) má nálgast á heimasíðu stofnunarinnar.

Hvar gildir skírteinið sem ég fæ útgefið hjá Samgöngustofu?

Það gildir við Íslandsstrendur og annars staðar í heiminum eftir því sem skírteinið heimilar og skv. reglum einstakra ríkja. Skírteini til strandsiglinga gildir jafnframt sem alþjóðlegt skírteini til strandsiglinga og er byggt á fyrirmynd Sameinuðu þjóðanna (ICC- skírteini).

Hvar er að finna kröfur um heimild til að stjórna skemmtibátum?

Kröfur um skírteini er að finna í 7. gr. laga nr. [30/2007](#) og 17. gr. reglugerðar nr. [944/2020](#).

Þarf einhver vélstjórnarskírteini á skemmtibáta?

Ekki þarf sérstakt vélstjórnarskírteini á skemmtibát með 750 kW vélarafli og minna.

Hver eru skilyrði skírteinisins?

- hafa náð **16 ára aldri**,
- staðist **bóklegt og verklegt próf** til mismunandi gerða skemmtibáta og farsviða.
- vera **íslenskur ríkisborgari** eða með heimilisfesti á Íslandi.
- **vottorð læknis** um sjón, heyrn og heilbrigði sjómanna yngra en 6 mánaða til að sinna skipstjórn skemmtibáts af öryggi.

Hvað gögn þurfa að fylgja umsókn um skírteini?

- **Vottorð prófdómara bóklegs prófs**
- **Vottorð prófdómara verklegs prófs**
- **Læknisvottorð** um sjón, heyrn og heilbrigði sjómanna yngra en 6 mánaða.
- **Ein mynd í vegabréfastærð.**

Skírteinisgjald er kr. 4.408 og greiðist á skrifstofu Samgöngustofu eða gegnum netbanka. Kvittun skal senda á netfangið sigling@samgongustofa.is. Um reikningsupplýsingar má sjá á [umsóknareyðublaði](#).

Eru skírteinin bundin ákveðnu farsviði?

Jú, það er rétt. Þau eru strandsigling (innan 50 sjómílna frá strönd) og sigling á [takmörkuðu farsviði*](#), sigling á ám, vötnum og vatnaleiðum innan Evrópu og úthafssiglingar.

* sjá 16. og 17. tölul. 3. gr. rg. nr. [377/2007](#)

Hverjir geta fengið skírteini til skipstjórnar á skemmtibátum í strandsiglingu og siglingu á takmörkuðu hafsvæði?

- Þeir sem hafa atvinnuskírteini til skipstjórnar á íslensk skip þurfa ekki sérstakt skemmtibátaskírteini til strandsiglinga við Ísland, en vilji þeir fá útgefið skemmtibátaskírteini (ICC- skírteini) þurfa þeir

að gangast undir verklegt próf enda hafi þeir ekki áður lokið sambærilegu prófi/námskeiði að mati Samgöngustofu.

- Þeir sem hafa staðist bók- og verklegt próf skv. reglugerð menntamálaráðuneytis nr. [393/2008](#).
- Þeir sem eru handhafar íslensks skemmtibátaskírteinis (ICC-skírteini).
- Þeir sem eru handhafar erlends skemmtibátaskírteinis (ICC- skírteini) og hafa sannanlega viðeigandi þekkingu á fjarskiptum og lokið prófi í því námsefni sem krafist er til íslensks skemmtibátaskírteinis og er umfram kröfur til ICC-skírteinis

Hverjir geta fengið skírteini til skipstjórnar á siglingu á ám, vötnum og vatnaleiðum innan Evrópu?

- Þeir sem hafa amk. 30 brl. atvinnuskírteini til skipstjórnar skv. rg. nr. [944/2020](#) geta fengið slíkt skírteini, hafi þeir staðist bóklegt (CEVNI) og verklegt próf enda hafi þeir ekki áður lokið sambærilegu prófi/námskeiði að mati Siglingastofnunar Íslands.
- Þeir sem eru handhafar íslensks skemmtibátaskírteinis (ICC –skírteini) þurfa að hafa staðist bóklegt próf (CEVNI).
- Þeir sem hafa staðist bóklegt (CEVNI) og verklegt próf skv. reglugerð menntamálaráðuneytis nr. [393/2008](#).

Hverjir geta fengið skírteini til skipstjórnar á skemmtibátum í úthafssiglingu; þ.e. siglinga án takmarkana:

- Þeir sem hafa ótakmarkað atvinnuskírteini skv. skipstjórnarnámi C, sbr. rg. nr. [944/2020](#) og [676/2015](#) geta fengið slíkt skírteini á vélskip, en þurfa að standast verklegt próf á seglskip.
- Þeir sem hafa staðist bók- og verklegt próf skv. reglugerð menntamálaráðuneytis nr. [393/2008](#).
- Þeir sem eru handhafar erlends skemmtibátaskírteinis (Yachtmaster offshore og Yachtmaster ocean).

Hver má skipuleggja bókleg próf?

Sá sem skipuleggur bóklegt próf skal:

- vera handhafi þess skírteinis sem prófið veitir rétt til
- geta lagt til aðstöðu sem er fullnægjandi að mati Samgöngustofu og prófdómara
- tilkynna Samgöngustofu með 30 daga fyrirvara um fyrirhugað próf
- ganga úr skugga um að sá sem mættur er til próftöku sé sá sem skráður er til prófs

Hver má skipuleggja verkleg próf?

Sá sem skipuleggur verkleg próf skal:

- vera handhafi þess skírteinis sem prófið veitir rétt til
- geta lagt til aðstöðu sem er fullnægjandi að mati Samgöngustofu og prófdómara
- geta lagt til bát afgerð og stærð sem telst fullnægjandi til nota við verkleg próf
- tilkynna Samgöngustofu með 30 daga fyrirvara hvenær óskað sé eftir að prófið fari fram
- ganga úr skugga um að sá sem mættur er til próftöku sé sá sem skráður er til prófs

Hverjir geta verið prófdómarar og hvert er hlutverk þeirra?

Prófdómarar:

- bóklegs prófs skulu hafa lokið skipstjórnarnámi A (< 24 metrar að skráningarlengd)
- verklegs prófs skulu vera handhafar sambærilegs skemmtibátaskírteinis
- hafa yfirumsjón með framkvæmd prófa og eftirlit með að próf séu í samræmi við námskrá

- skulu vera óháðir og meta úrlausnir og færni
- verklegs prófs skulu senda Siglingastofnun skýrslu um framkvæmd prófs, lýsa aðstæðum, veðri og þeim búnaði sem notaður var
- skulu gefa út vottorð til þeirra sem standast próf

Hvar eru bókleg próf haldin?

Tækniskólinn, skóli atvinnulífsins heldur [námskeið og bókleg próf](#) sími 514 9000

Hvar eru verkleg próf haldin?

Samgöngustofa skipar einstaklinga til að vera prófdómarar í bók- og verklegum prófum vegna skipstjórnarskírteinis á skemmtibáta, skv. 4. gr. reglna um próf til skemmtibátaskírteinis, nr. [393/2008](#). Þeir sem áforma að sækja um skipstjórnarskírteini á skemmtibát þurfa að ljúka bóklegu og verklegu prófi. Tækniskólinn, skóli atvinnulífsins heldur [námskeið og bókleg próf](#). Til að ljúka verklegu prófi eru þeir sem áhuga hafa beðnir um að hafa samband við einhvern eftirtalinna prófdómara, eftir því sem við á.

[Hér má nálgast lista yfir prófdómara](#) sem eru skipaðir af Samgöngustofu.

Verður boðið upp á námskeið til undirbúnings bók- og verklegra prófa?

Tækniskólinn, skóli atvinnulífsins heldur [námskeið](#), sími 514 9000

Er einhver lágmarkseinkunn til að standast bókleg og verkleg próf?

Lágmarkseinkunn í bóklegu prófi er 7 í siglingareglum og siglingafræði, 5 í öðrum bóklegum námsþáttum og skal meðaleinkunn ekki vera lægri en 6. Verklegt próf er háð mati prófdómara.

Hverjar eru námskröfur í prófunum?

Um námskröfur má sjá í [Námskrá](#) Samgöngustofu um skemmtibátaskírteini.

Get ég notað minn bát í verklegu prófi?

Jú, það er heimilt ef báturinn er 7 metrar eða lengri að skráningarlengd.